

'Cruiŋe =nu, Pɔlv gba la

EFESUKUE

ye

1 ¹Mɔ Pɔlvu ni, ɔɔ 'cruiŋe -gbo 'cru. Nyɔsua, nɔ -ha 'le 'mu du 'mu, 'ke =bo -he -Yusu 'Klɔsɔ a titieponyɔ. 'A mu Nyɔsua a nahuin, -v ni 'le Efesɔɔɔ 'mu, -v kuo -Yusu 'Klɔsɔ =wlv ye, -v kɔ =nɔ 'heɛn, -v -mve, 'a mu 'nu -wɔn 'cru. ²-A ni Bu Nyɔsua, kɔ -a ni Kɔkɔnyɔ -Yusu 'Klɔsɔ 'heɛn, bu nu 'a mu =hapɔde 'mu, kɔ, bu -nyi -we 'a mu kegboweenle.

Nyɔsua nu -a mu 'mu =hapɔde 'dɔ

³-Ba baa Nyɔsua, ɔ mɔ -a ni Kɔkɔnyɔ -Yusu 'Klɔsɔ a Bu. ɔ nu -a mu 'mu =hapu-tɔplɛ a gblegblei, 'ke 'le yakɔ 'mu, -ɪ mɔ =hapu-tɔplɛ =nu, nyɔ 'nɪnɪ 'ye, 'ɔ -nyi -a mu, -ɛ nue, -a kɔ -Yusu 'Klɔsɔ 'heɛn, -a -mve ni. ⁴Ti =nu kɔ 'yri Nyɔsua 'de la 'klɔ a nue, 'ke ɔ -ha la 'le -a mu du 'mu, -ɛ nue, -a kɔ -Yusu 'Klɔsɔ 'heɛn, -a -mve ni, -ɛ die nu, -a 'mu 'a nahuin 'mu 'ya, kɔ, 'ke 'o =nɔ ye, de 'klan =de 'nɪ =han 'le -a mu 'mu ni. -Tɛ ɔ nve -a mu 'mu, ⁵nɛ- kɔ -tɪ, 'ɛ ni ye 'mu, 'ɔ -yri, 'ke bɔ nuu -a mu 'a 'yuo 'mu, de =nu, -Yusu 'Klɔsɔ nu a -tɪ. ɔ -hve ni, -ɛ nue, ɛɛ =nɔ ke 'nɪ klu. ⁶ɔ nue ni, -ɛ die nu, -a 'muo baa, =hapɔde =nu, ɔ nu -a mu 'mu, 'ke 'le -gbɔgbɛkɔ 'kwli 'mu a -tɪ. =Hapɔde a -gbɛ, 'a -tɪ 'bua 'yi. ɔ nye -a mu 'nɪ -nyi, 'ke 'le -gbɔgbɛkɔ 'kwli 'mu, -ɛ nue, -a kɔ 'a 'Mɔnvɛyɔ 'heɛn, -a -mve ni.

⁷'A 'Yu a -gbɛ, nɔ- kɔ dablo ɔ nu, 'ɔ =gbɛ -a mu, ɛ =hen 'nyɛ, ɔ -hri -a ni de 'kuku a -tɪ -wɔn. ɔ nue ni, -ɛ nue, -a kɔ 'a 'Yu a -gbɛ 'heɛn, -a -mve ni. Nɛ- kɔ 'kwli 'mu, ɔ naa 'le, 'ɔ tve -a mu, -ɛ mɔ, =hapɔde, ɔ nu -a mu 'mu, 'ke 'le -gbɔgbɛkɔ 'kwli 'mu, 'a -tɪ 'bua 'yi. ⁸'Plu, 'ke 'le 'a =wlv a 'yilɛnɔnɔ 'kwli 'mu, 'ɔ -nyi -a mu =tɔ, 'ke -ba yrii de =nu 'mu lɛ, ɔɔ -hva bɔ nu la. ⁹⁻¹⁰De a -gbɛ, ɔɔ -hva bɔ nu la, ɛ -hli la ni. Kɛɛ, -huhlɛde a -gbɛ, ɔɔ -hva bɔ nu la si la, ɔ tve 'klɛɛ 'a nahuin ni. Kue la 'le gbo, ɔ -yri ni, 'ke bɔ naa 'le -Yusu 'Klɔsɔ 'mu, -ɛ die nu, ti =nu, Nyɔsua po 'le, ti a -gbɛ 'yri, -tɔplɛ 'bii =nu, -ɪ ni 'le yakɔ 'mu kɔ -tutu ke, ɔ 'mui lɛ 'kukue, -Yusu 'Klɔsɔ 'mui 'o 'lu ye ni.

¹¹-Tɔplɪ 'bii, -tɛ Nyɪsvaa 'a -hɔhva nu, kɛ'ɛ ni, ɔɔ 'a nunue nu. -Ye 'klɛɛ, ɛ ni la ke 'mɔ, 'ɔ -ha la 'le -a mɔ du 'mɔ, -tɛ ɔɔ la 'a -hɔhva nu, -ɛ die nu, -a 'mɔ 'a nahuin 'mɔ 'ya, -ɛ nue, -a kɔ -Yusu 'Klɪsɔ 'hɛɛn, -a -mɔɛ ni. 'Plu, -tɔplɪ =nɔ, ɔɔ -hva bɔ -nyi -a mɔ, 'ɔ -ha 'le -a ni 'pia ni, 'ɔ -nyo -a mɔ -dodo. ¹²'A -tɪ o, -ba baa Nyɪsva, -ɛ nue, 'a -tɪ 'bva 'yi, -a mɔ =nɔ, -v mɔ ye-hɛnahuin, -v -ha 'le -a ni =wlɪ, -v -nyi -Yusu 'Klɪsɔ.

¹³'Ke 'o 'a mɔ -wɔn, dɛɛ -do, nɛ-ɛ ni. A 'wɔn =hapuwintɛ, -ɪ mɔ =haputitɛ, -ɪ kɔ 'kwli 'mɔ, Nyɪsva naa 'le, 'ɔ waa 'a mɔ, 'a kuo -Yusu 'Klɪsɔ =wlɔ ye. 'A -tɪ, -tɛ a kɔ =nɔ 'hɛɛn, a -mɔɛ, Nyɪsva, 'ɔ =tue 'a mɔ yriilɛ. Yriilɛ a -gbɛ, nɛ- mɔ Nyɪsva a -Hihiu, 'ɔ po la lɛ, 'ɔ di la 'a mɔ -nyi. Kɛ'ɛ ni, ɔɔ -a mɔ 'a tɔɔlɛ nu, -ɛ mɔ, -a mɔ mɔ 'a nahuin. ¹⁴=Hapɔ-tɔplɪ 'bii, 'ɔ po la lɛ, 'ɔ di la 'a dakɔ -nyi, 'a ye-hɛdɛ, 'ɔ -nyi -a mɔ, nɛ- mɔ 'a -Hihiu. Nɛ- nye -a mɔ tɔɔ, -ɛ mɔ, =hapɔ-tɔplɪ 'bii a -gbɛ, 'ɔ di -a mɔ 'ni -nyi ti -nɔ -kɔ 'yri Nyɪsva di -a mɔ waa 'bii. -Ba baa Nyɪsva. Nɔ- kɔ -tɪ a 'yi'buaale.

Pɔlvɔ da Nyɪsva, 'ke 'o Efesikue a -ta 'mɔ

¹⁵Nɛ- nue, 'a ni -tɪ 'nu Nyɪsva 'wio -nyi. 'N 'wɪn ni, -tɛ a nu, 'a 'cipi 'o Kɔkɔnyɔ -Yusu a =wlɔ a yekuolɛ, kɔ, 'ni 'wɪn -wɛ, -tɛ a nu Nyɪsva a nahuin a 'mɔnɔɛlɛ. -Tɛ 'n 'wɪn 'klɛɛ, ¹⁶nɛ- nue, 'ɛ ni ti, 'bia 'nu Nyɪsva da, 'ni nyo -nyi 'wio, 'ke 'o 'a ni -ta 'mɔ. ¹⁷'Nu da Nyɪsva, -ɔ mɔ -a ni Bu, -ɔ kɔ -tɪ a 'yi'bubva. Nɔ- mɔ Nyɪsva =nɔ, -ɔ kɔ -kuan -a ni Kɔkɔnyɔ -Yusu 'Klɪsɔ la nu. 'N nyo 'ni da, -ɛ die nu, 'ɔ 'mɔ 'a mɔ =tɔ -nyi, kɔ, -ɛ die -wɛ nu, 'ɔ 'mɔ 'a mɔ 'a dɔnɔ tɔɔ, a 'mɔo yi -tɛɛ. ¹⁸'N nyo -wɛ 'ni da, -ɛ die nu, 'ke 'le 'a ni =wlɪ ke, -nyrɛ 'mɔ 'le ni, ɛ 'mɔ 'a mɔ 'mɔ -hɛ, a 'mɔ -tɔplɪ -nɔ 'mɔ 'le yrii, -ɪ kɔ -tɪ Nyɪsva 'ɔ -ha 'le 'a mɔ du 'mɔ, 'ɔ 'mui 'a mɔ -nyi. 'N nye -wɛ 'ni -hva, ba yie, -ɛ mɔ, -nyinyi-tɔplɪ, 'ɔ di 'a mɔ -nyi, 'a -tɪ 'bva 'yi. 'ɔ di 'a mɔ 'ni -nyi, a kɔ nahuin -ye -nɔ 'hɛɛn, -v mɔ 'a nahuin. ¹⁹'N nye -wɛ 'ni -hva, ba yie, -ɛ mɔ, 'a 'klɪkɛnɪnɪɛ, ɛ -hi 'o 'ɛ ni dɛ 'mɔ ni, kɔ, 'a 'klɪ a -gbɛ 'u -kuan nu, 'ke 'le -a mɔ 'mɔ, -a mɔ =nɔ, -v kuo =wlɔ ye.

'Klɪ -do a -gbɛ, ni- nu -kuan, 'ke 'le -Yusu 'Klɪsɔ 'mɔ, ²⁰ti -nɔ -kɔ 'yri Nyɪsva -hɔ 'le 'kukɔnyɔ -heyri, 'ɔ -hɔ 'klɔ, 'ɔ le =nɔ, 'ke bɔ ni 'o 'a diidɛpta ke gbo, 'ke 'le yakɔ 'mɔ. ²¹'Ke 'le yakɔ a -gbɛ 'mɔ, -Yusu ni 'o 'klɪ 'bii ye 'lu, -ɪ mɔ Nyɪsva a leelenyɔ =nɔ, kɔ 'waa nyigblakɪ, kɔ 'kuo, kɔ -tɔplɪ 'bii =nɔ, -ɪ kɔ 'klɪ, 'ke 'le yakɔ 'mɔ. 'ɔ ni -wɛ 'o nahuin 'bii ye 'lu. Kɛkɛ a 'klɔ, kɔ 'klɔ yrayrɔ =nɔ, -ɔ di 'le di, ɛ 'de 'klɪ =de kɔ, bɔ 'di 'o 'lu ye ni. ²²Nyɪsva nue ni, 'ɛ ni dɛ 'ɛ ni 'le -Yusu a 'klɪ gbo, -Yusu a -gbɛ 'ɔ ni 'o 'ɛ ni dɛ =de 'lu ye, Nyɪsva 'ɔ nuɔ 'cɔɛ a nyigblaka 'mɔ. ²³'Cɔɛ, ɛ 'we =nɔ -Yusu 'Klɪsɔ a -gbɛ a 'hɔn ye. -Yusu a =hapɔ-tɔplɪ 'bii 'yii 'le 'cɔɛ 'kwli 'mɔ ni, kɔ 'klɔ 'bii 'hɛɛn, -Yusu -mɛ -ye, Nyɪsva a =hapɔ-tɔplɪ 'bii 'ɪ 'yii 'le =nɔ 'mɔ.

Nyɪsva nu -a mɔ 'mɔ =hapɔɛ, 'ke 'le -gbɔgbɛkɔ 'kwli 'mɔ, 'ɔ waa -a mɔ

2 ¹Ti -hi la a ti 'yri, a 'we la =nɔ -tɛ ba 'nɪnɪ 'ku wen, 'ke 'o Nyɪsva ye, -ɛ nue, aa la nu 'yilenyre-tɔplɪ, 'aa la Nyɪsva a tɛtɛi 'wla. ²Klɔ -gbo ke a

nahuin =nu, -v 'de Nyisva yi, 'waa nunuḡmli, nɪ- aa la -wɔn kuɛ, kɔ, 'aa la -we 'kuo -huɪn a nyigblaka -wɔn kuɛ, -ɔ kɔ 'kɪ, kɛ nɔ -tutu kɔ yakɔ 'heɛn -gbahɔn. 'Kuo -huɪn a nyigblaka a -gbɛ, ɔɔ nu -kuan, 'ke 'le nahuin =nu 'mɔ, -v 'nɪnɪ =tuu 'o Nyisva. ³Ɛ mɔ -tɛɛ, -a 'bii, -tɛ nahuin a -gbɛ, v nɪ 'mɔ, kɛ -a nɪ la 'mɔ. -Tɔplɪ -huɪn =nu, -a nɪ =wɪu la -hva, nɪ- aa la nu. -A nye la lɛ 'nɪ =mɔ, 'ke -ba nu la -a nɪ -gbɛ a -huhva-tɔplɪ -huɪn =nu. -Tɛ -a nɪ la lɛ 'mɔ, -a mɔ mɔ la nahuin =nu, Nyisva kɔ bɔ poo la yɪu lɛ, kɔ, 'a -bati kɔ bɪ kɪ la, -ɛ 'we =nɔ ye, -tɛ ɪ di nu, 'ɪ di =v -ye kɪ.

⁴Kɛɛ, ɛ 'deɛ bɛ nɪ lɛ 'mɔ, 'ke 'o -a mɔ -wɔn, -ɛ nue, Nyisva, ɔ kɔ -a nɪ wɔɪ. Ɔ nuɛ -a mɔ 'mɔ nɪ 'dɔ, ⁵=betɪ -ba 'we la =nɔ -tɛ -ba 'nɪnɪ 'ku wen, 'ke 'o =nɔ ye, -a nɪ nunuḡmli 'kukui a -tɪ. -Tɛ ɔ nuɛ -a mɔ 'mɔ, ɔ -nyɪ -a mɔ 'kɪo yrayɪv, -a kɔ -Yusu 'Kɪsu 'heɛn. Ba kɔ 'a yiyie: Ɔ waa 'a mɔ nɪ, 'ke 'le -gbugbekɔ 'kwɪlɪ 'mɔ. ⁶-Tɛ -a kɔ -Yusu 'Kɪsu 'heɛn, -a -mɔɛ, Nyisva 'ɔ -ha 'le -a mɔ 'kukonyv -heyri, 'ɔ -ha -a mɔ 'kɪo, -a kɔ -Yusu 'Kɪsu 'heɛn, kɔ, 'ɔ -nye -a mɔ gbonule, 'ke 'le yakɔ 'mɔ, -a kɔ -Yusu 'Kɪsu 'heɛn. ⁷Kɛ'ɛ nɪ, ɔ nu, 'ɔ naa 'le -Yusu 'Kɪsu 'mɔ, 'ɔ nu -a mɔ =hapuɔɛ 'mɔ, -ɛ die nu, -tɔnahuin a =hrɪn a =hrɪn =nu, -v di 'le di, v 'mue 'ye, -ɛ mɔ, 'a -hapuɔɛ, ɔ nu -a mɔ 'mɔ, 'ke 'le -gbugbekɔ 'kwɪlɪ 'mɔ, ɛ 'bua nɪ, 'ɛ -hi 'o 'ɛ nɪ dɛ =de 'mɔ. ⁸Nyisva waa 'a mɔ nɪ, -ɛ nue, a kuo ye =wɪv. 'Ke 'le -gbugbekɔ 'kwɪlɪ 'mɔ nɪ, ɔ waa 'le 'a mɔ. Ɛ 'de 'a nɪ nunu-tɔplɪ a -tɪ. Nyisva a -nyinyide'ɛ nɪ. ⁹Ɛ 'de ba nu -hapuɔɛ =de a -tɪ, ɔ 'de 'a mɔ waa. Kɛɛ, ɔ waa 'a mɔ nɪ, 'ke 'le -gbugbekɔ 'kwɪlɪ 'mɔ, -ɛ die nu, nahuon =de 'nɪ -han 'le 'a dɪɔnv 'yaa. ¹⁰Kɛ ɛ nɪ 'mɔ, -ɛ nue, Nyisva, nɔ- nu -a mɔ. 'Ke ɔ naa 'le -Yusu 'Kɪsu 'mɔ, 'ɔ -nye -a mɔ 'kɪo yrayɪv, -ɛ die nu, -a 'mɔ 'yilɛnɔ-kuan nu. 'Yilɛnɔ-kuan a -gbɛ, ɛ nɪ la ke 'mɔ, 'ɔ -wɔ la -wɔn, -ɛ die nu, -a 'muo nu.

**-Yusu 'Kɪsu nue nɪ, -Juukɔɛ, v kɔ nahuin
=nu 'heɛn, -v 'de -Juukɔɛ, 'v -mɔɛ**

¹¹'A -tɪ o, bɪ bi 'le 'a mɔ 'kwɪlɪ 'mɔ, -tɛ a nɪ 'mɔ: -Tɛ v kɔ la 'a mɔ, a 'de la -Juukɔɛ, nahuin =nu, -v 'bɛ yɪɛ, -v mɔ -Juukɔɛ, 'vɔ 'a mɔ tanɪ =tu, 'vɔ 'a mɔ nahuin =nu daa, -v 'de yɪɛ 'bɛ. Kɛɛ, yɪiɪɛ -do =nu, nahuin 'o 'waa 'huɪn ke nuu, nɛ- kɔ -tɪ vɔ =tu. ¹²Bɪ bi 'le 'a mɔ 'kwɪlɪ 'mɔ, -ɛ mɔ, ti a -gbɛ 'yɪ, a hɪn la -Yusu 'Kɪsu -wɔn, -ɔ mɔ Waanyɔ =nu, Nyisva po la lɛ, ɔ di la 'le ya. 'A mɔ mɔ la 'dagbɪ'ɪ nɪ, 'ke 'le Nyisva a daku -heyri. Nyisva =tue la 'yɪ a gblegblei, ɔ kɔ 'a daku 'heɛn, 'ɔ pue la 'le =nu dɛ. Kɛɛ, ɔ 'de la 'le 'a mɔ 'a daku a -gbɛ -heyri -hree. A 'die la =wɪv ye kuo, -ɛ mɔ, =hapuɔɛ =de di la 'lu -wɔn mue, 'ke 'o 'a mɔ -wɔn. 'Ke a nɪ la 'le 'kɪo a nunu-tɔplɪ -heyri. A 'de la Nyisva yi. ¹³Ti -hi la a ti 'yɪ, a hɪn la Nyisva -wɔn, kɛɛ, -tɛ ti nɪ lɛ 'mɔ -gbo, a 'mɔɛɛ =nɔ ye, -ɛ nue, a kɔ -Yusu 'Kɪsu 'heɛn, a -mɔɛ nɪ. -Yusu 'Kɪsu a -gbɛ, ɔ 'wɪa 'a dablo gbo, 'ke 'o 'a nɪ -ta 'mɔ. Nɛ- nue, 'a 'mɔɛɛ Nyisva ye.

¹⁴-Yusu, nɔ- nue, =a kɔ 'klɛɛ kegbowɛɛnɛ. Ti -hi la a ti 'yɪ, -Juukɔɛ, kɔ nahuin =nu, -v 'de -Juukɔɛ, v -hɪnhɔn la 'mɔ lɛ 'yɪ. Kɛɛ, ɔ -mɛ -ye, ɔ nue

ni, =a 'ya ke dakuv -do. Yraale ni la 'le -a mu -gbahlɔn, ε 'we la =nɔ -mli ye. Kεε, ti -kɔ 'yri ɔ 'ku la, 'ke ɔ 'wlaa la 'o -mli a -gbe. ¹⁵-Juukue a tetei, ni-mɔ: Nu de -gbo, nu de =nu. Kεε, ɔ -mε -ye, ɔ -wɪ gbo. ɔ nue ni, -ε die nu, ɔ 'mu -Juukue kɔ nahuin =nu, -v 'de -Juukue 'yi 'mu le pupo. -Tε v 'bii, v kɔ -Yusu 'heɛn, v -mυε 'klεε, v 'de 'klεε lele dakugblei 'hɔn, kεε, v mɔ dakuv -doo ni. Kε'ε ni, ɔ nu, 'v wεen ke gbo. ¹⁶-Tε ɔ 'ku, 'ke 'o tu 'yie 'mu, yraale 'de 'klεε 'o lele =nu -gbahlɔn ni. ɔ -wε gbo. ɔ nue ni, 'v -hε dakuv -do, 'plu ɔ nue, v 'hɔn -wε a -gbe, v kɔ Nyɪsua 'heɛn, 'v bibi 'yi 'mu le, 'v -mυε.

¹⁷-Yusu 'Klɪsɪ di nɔ 'klɔ ke ni, 'ɔ po -haputitie =nu, -ε nyi =tu, -ε mɔ, 'a mu =nu, -v 'de -Juukue, 'plu -v hren la Nyɪsua -wɔn, a kɔ Nyɪsua a -gbe 'heɛn, a wεen gbo ke, kɔ, -a mu =nu, -v mɔ -Juukue, -v 'mυε la =nɔ ye, -a kɔ =nɔ 'heɛn, -a wεen -wε ke gbo. ¹⁸Dε =nu, -Yusu 'Klɪsɪ nu a -tɪ, a kɔ -a mu 'heɛn, -a -wε 'le -ba 'mυε -a ni Bu Nyɪsua ye ni, 'ke 'le Nyɪsua a -Hihiu a 'klɪ 'kwli 'mu. Nyɪsua a -Hihiu -do a -gbe, nu-v -wε -a mu 'mu -he.

¹⁹'A -tɪ o, 'a mu =nu, -v 'de -Juukue, a 'de lele 'dagbɪ, a 'de -wε lele nahuin =nu, -vɔ 'tiile le =mɔ, kεε, 'a mu mɔ 'bɔgbɔ a -gbe a nahuiin ni, -ε 'we =nɔ nahuin =nu ye, -v mɔ -Juukue. 'A mu mɔ -wε Nyɪsua a -tugba a nahuiin ni. ²⁰-Bo pue kayu a dε ye. 'A 'we =nɔ kayu a -plati ye. -Yusu a -wɔnnaanyɔ, kɔ Nyɪsua a winwlɔn-henyɔ, nu- 'we =nɔ kayu a -gbe a bɔgbɔ-tɔtɔ ye. -Yusu 'Klɪsɪ, nɔ- 'we =nɔ 'katuo ye. ²¹-Yusu a -gbe, nɔ- nye nu, kayu a -gbe 'v ku gbo, 'vɔ 'o 'ya, -ε die nu, v 'mu Nyɪsua a kayu =nu -hε, -v kɔ gbo Nyɪsua a -gbe, ɔ 'ti 'le. ²²-Tε a kɔ -Yusu 'Klɪsɪ 'heɛn, a -mυε, 'a ni -gbe, a kɔ =v -ye 'heɛn, a 'we =nɔ kayu =nu ye, -v kɔ gbo Nyɪsua a -Hihiu 'ti 'le.

Nyɪsua nye 'nɪ -hɔa, 'ke Pɔlv bɔ pue nahuin =nu, -v 'de -Juukue -Yusu a -haputitie

3 ¹-Tε ε -ti 'mu, 'n 'cipi 'o Nyɪsua a dɪda, 'ke 'o 'a ni -ta 'mu. ɔ po 'mu 'mu =ji, 'mɔ Pɔlv, -ε nue, 'nu nu -Yusu 'Klɪsɪ a -kuan, 'a mu nahuin =nu, -v 'de -Juukue, 'nu 'a mu -Yusu a -haputitie pue. ²'N pui -tεε, a yie ni, -ε mɔ, Nyɪsua, nɔ- -nyi 'mu -kuan a -gbe, 'nu nu, 'ke 'o 'a ni -ta 'mu. ɔ nu 'mu 'mu -hapudε, 'ke 'le -gbɔgbɔkɔ 'kwli 'mu, 'ɔ -nyi 'mu -kuan a -gbe. ³Dε =nu, -ε -hli la, kɔ la 'le gbo, ɔ tɔε 'mu ni, -ε die nu, 'mυε yi. -Huhlɪdε a -gbe, nε- kɔ -tɪ gbi 'n =tu wen 'a mu ye, kε nɔ 'crunɪ -gbo 'kwli 'mu. ⁴'Bɪa 'ba -hre -tɪ a -gbe, a die 'nɪ 'ye, -ε mɔ, -huhlɪdε 'ke 'o -Yusu 'Klɪsɪ a -ta 'mu, 'n nye 'mu le 'nɪ yrii -tεε. ⁵Ti -hi la a ti 'yri, Nyɪsua 'de la -huhlɪdε a -gbe nahuin tɔɔ. Kεε, -tε ti ni le 'mu -gbo, ɔ ya 'le 'a -Hihiu ni, -ε die nu, ɔ 'mu dε a -gbe nahuin tɔɔ. 'ε mɔ -tεε, 'a -wɔnnaanyɔ, kɔ 'a winwlɔn-henyɔ =nu 'heɛn, ɔ po 'pɪa ke, 'ke 'o 'a -gbe -wɔn, nu- ɔ tɔɔ dε a -gbe. ⁶-Huhlɪdε a -gbe, nε- -gbo: -Tɔplɪ =nu, Nyɪsua -nyi -Juukue, 'a mu =nu, -v 'de -Juukue, ɔ di -wε 'a mu 'nɪ -nyi. A kɔ -Juukue 'heɛn, a -hε dεε -do. Dε =nu, Nyɪsua po la 'le, ɔ di la -Yusu 'Klɪsɪ a nahuin -nyi, ɔ die 'a mu 'nɪ -nyi. Kε ε ni 'mu, -ε nue, a 'ble Nyɪsua a -haputitie kwa.

⁷Nyisva nu 'mu 'mu -hapude, 'ke 'le -gbugbeko 'kwli 'mu, 'o -nyi 'mu -kvan -gbo, 'nu nu. ⁸ Nue ni, 'ke 'le 'a 'kli a kenunɛ 'kwli 'mu. -Kvan a -gbe, nɔ- mɔ -bo pue nahuin 'a -haputitie a -gbe. ⁹ Ke 'le Nyisva a nahuin -heyri, 'mɔ mɔ 'lele'boɔnyɔ. -Beti be ni le 'mu, Nyisva nu 'mu 'mu -hapude, 'o le 'mu, 'ke -bo pue nahuin -nu, -v 'de -Juukue, -haputitie -nu, -ɛ nyi -tu, -ɛ mɔ, 'ke Nyisvaa 'le -Yusu 'Klisu 'mu naa, 'o -a mu -hapu-tɔplɔ 'plɔplɔ 'mu nu. -Hapu-tɔplɔ a -gbe, ɪ -hi -a ni 'lu a le-hiele wɔn; ⁹ 'o le -we 'mu, 'ke -bo -huhɪa nahuin 'bii de -nu kle, Nyisva -yra la, kuɛ la 'le gbo, 'ke 'le -huhliko 'kwli 'mu, -te de a -gbe, ɛ di 'lu a -wɔnmumue nu. Kuɛ la 'le gbo, -bo ye ti -gbo ke, Nyisva, -o mɔ -tɔplɔ 'bii a nununyo, o -hli de a -gbe nahuin ke 'yi. ¹⁰ Kɛɛ, -te ti ni le 'mu -gbo, Nyisva nue ni, 'ɛ 'hru 'le 'cɔɛ a nahuin -heyri, -ɛ die nu, Nyisva a leleenyo, ko 'kuo 'bii, ko 'ɛ ni 'klikenide =de 'heɛn, -ɛ ni 'le yakɔ 'mu, v 'mu 'cɔɛ a nahuin 'ye, v 'mue 'mu le yrii, -ɛ mɔ, Nyisva ko -tɔ, 'plu 'a -tɔ a -gbe 'o ko 'hri a gbleglei. ¹¹ De a -gbe, o nu, nɛ- mɔ de, o -yra la ti -nu -ko 'yri o 'de la 'o 'klo a nue. 'Ke o naa 'le -a ni Kukonyo -Yusu 'Klisu 'mu, 'o nu de a -gbe, o -yra la. ¹² -Te -a ko -Yusu 'Klisu 'heɛn, -a -mɔɛ, ko, -a kuo =wɔ ye, -a 'deɛ -ba pɪ huannu, 'ke -ba 'yiya 'o Nyisva 'huin 'mu gbo. ¹³ -Ye 'kleɛ, -te Nyisva nu le 'a nunue, 'nu 'a mu le 'ni 'bati: -Beti -boo =sɔɛ 'ye, 'ke 'o 'a ni -ta 'mu, 'a ni =wɪ ni bi 'le =hlɔn, -ɛ nue, 'na =sɔɛ a 'yiye a -gbe, ɛ 'de -gbugbe, kɛɛ, ɛ mɔ 'mu-hɛɛle gblaka, 'ke 'o 'a mu -wɔn.

-Te -Yusu nu -a ni 'munvele

¹⁴ Nɛ- nue, 'nu kwɪ gbo bla, 'ke 'o -a ni Bu Nyisva ye, 'ni nyo da 'a ni -ta 'mu. ¹⁵ 'A nahuin -nu, -v ni 'le yakɔ 'mu, ko =v -ye -nu, -v ni nɔ -tutu ke, v mɔ -tugbi a gbleglei, kɛɛ, v mɔ Buu -do a 'yuoo ni. ¹⁶ 'E mɔ -teɛ, Nyisva a -ti 'bua 'yi, 'ɛ -hi 'o 'ɛ ni de 'mu. Nɛ- nue, 'ni nyo da, -ɛ die nu, 'a -Hihiu 'mu 'a mu 'kli -nyi, 'kli a -gbe, ɪ 'mu 'le 'a mu 'mu ni. ¹⁷ 'N nyo -we 'ni da, -ɛ die nu, -Yusu 'Klisu 'mu 'le 'a ni =wɪ ke ni 'ɛ ni ti, -ɛ nue, a kuo ye =wɔ. 'N nyo -we 'ni da, -ɛ die nu, 'a 'mu 'mu nunve. 'Bia 'ba nunve 'mu, a di gbo 'ni ku, -ɛ 'we =nɔ tugbe ye, -ɛ ko -wɔlubi ku gbo -teɛ, ko, -ɛ 'we =nɔ kayu ye, -v ku gbo. ¹⁸ 'Bia 'be ni le 'mu, a ko Nyisva a nahuin -ye 'heɛn, a di ko 'kli, 'ke ba yrii 'mu le, -ɛ mɔ, -Yusu 'Klisu nɔ -a mu 'mu ni, 'ɛ -hi 'o 'ɛ ni de 'mu. 'E ni -tegi aa 'o muu, -beti ba 'ya, ba -ti, 'a 'munvele 'kie nɛ 'le. ¹⁹ 'Nu da Nyisva, -ɛ die nu, 'a 'mu 'a 'munvele yi -teɛ, -beti ba 'de 'kli ko, 'ke ba yie 'bii, -ɛ die nu, -tɔplɔ 'bii, -ɪ ni 'le Nyisva 'mu, ɪ 'mu -we 'le 'a ni =wɪ ke ni.

²⁰ Nyisva, o ko 'kli, 'ke bo nu 'ɛ ni de, 'ɛ -hi 'o 'ɛ ni de =de 'mu, -aa -hva bo nu, ko, 'ɛ -hi -we 'o 'ɛ ni de =de 'mu, -aa 'lu -wɔn le -hie. Ke 'a 'klikenunɛ ni 'mu, 'a 'kli a -gbe 'u -kvan nu, 'ke 'le -a mu 'mu. ²¹ -Ba baa Nyisva, 'cɔɛ a nahuin a -ti, ko -Yusu 'Klisu a -ti. -Tɔnahuin a -hrɪn a -hrɪn bu -nyi -nɔ -ti a 'yi'buaale, -te 'klo te ye gbo. Kɛɛ ni, be ni 'mu.

-A mu -Yusu a nahuin, -ba -mɔɛ

4 ¹ 'A -ti o, 'mɔ -gbo, v po -ɟi 'mu, -Yusu 'Klisu a -kvan a -ti, 'nu 'a mu le 'ni 'bati: 'A mu -nu, Nyisva nuu 'a nahuin 'mu, 'a ni nunuklo, bo 'we =nɔ

ye, -te Nyisvaa 'a -huhva nu. ²Ba -tɔ 'le 'a nɪ dɔnu 'ɛ nɪ ti, 'a nɪ -wɪ bɪ nɔ 'yi lɛ, ba kɔ -wɪ a 'lɪla, 'a nɪ 'bienu, -betɪ bu nu 'a mʊ dɛ 'klan 'mʊ, a nɪ puu 'le yru lɛ, kɛɛ, ba 'cipi 'o 'waa 'munvɛlɛ. ³Ba -tu 'o 'klɪ, dɛ -nu, Nyisva a -Hihiu nu, -a -mʊɛ, 'ɛ 'mʊ 'o 'cipi, kɔ, ba wɛn ke gbo, -ɛ die nu, a 'mʊ dɛɛ -do 'mʊ 'ya. ⁴Cʊɛ, 'ɛ 'we -nɔ -Yusu 'Klɪsʊ a 'hʊn ye, 'plɪ 'hʊn a -gbɛ, ɪ mɔ 'hʊn -doo nɪ. Nyisva a -Hihiu, ʊ mɔ -Hihiu -do. Dɛ -nu, Nyisva po la lɛ, ɔ di la 'a mʊ -nyi, aa -pre, 'ke 'le -wɪ a 'lɪla 'kwɪ 'mʊ, dɛ a -gbɛ, 'ɛ 'ya -do. ⁵-A nɪ Kʊkɔnyɔ, ɔ mɔ Kʊkɔnyɔ -do. -Yusu a -wɪ a yekuolɛ, 'ɛ mɔ -wɪ a yekuolɛ -do. Nahuin a 'nie a 'lulɛpupue, 'ɛ mɔ 'nie a 'lulɛpupue -do. ⁶Nyisva mɔ Nyisvagbloo -doo nɪ. Nɔ- mɔ nahuin 'bii a Bu. Nɔ- kɔ nahuin kɔ -tɔplɪ 'bii win ke. 'Ke ɔ 'le 'ɛ nɪ nahuon kɔ 'ɛ nɪ dɛ -de 'kwɪ 'mʊ naa, 'ɔ -kʊan nu.

⁷-A 'bii, -Yusu 'Klɪsʊ nu -a mʊ 'mʊ -hapɔdɛ, 'ɔ -nyi -a mʊ 'klɪ, 'ke -ba nu 'a -kʊan, -ɛ 'we -nɔ ye, -tɛ ɔ -hʊa bɔ nu -a mʊ 'a -nyinyie. ⁸'ɛ mɔ -tɛɛ, 'ke 'le Nyisvacrunɛ 'kwɪ 'mʊ, ʊ 'crɛɛ nɪ, 'ke 'o -Yusu ke, -ɛ mɔ:

«-Tɛ ɔ 'ya 'le yakɔ 'mʊ,
-ye ɔ -ha 'o 'a yraanyʊ wɔn 'hru,
'ɔ gbo, 'ɔ nuu -jɪnyʊ 'mʊ,
'plɪ -tɔnahuin, 'ɔ -nyi -nu -nyinyi-tɔplɪ.»

⁹-Ye 'bʊ plɛ, ɔ 'ya 'le yakɔ 'mʊ nɪ, dɛ, 'ɛ -hɛn 'nyrɛ, ɔ -tɪ nɔ -tʊtʊ ke nɪ, 'plɪ, 'ɔ 'ya 'le yakɔ 'mʊ. ¹⁰Nahuon -gbo, ɔ -tɪ nɔ -tʊtʊ ke, ɔ -do a -gbɛ, nɔ- 'ya 'le yakɔ 'mʊ, -ɛ die nu, 'ke 'o 'ɛ nɪ -tɛgbɪ -de, ɔ 'mʊ -tɔplɪ 'bii win ke kɔ.

¹¹Nɔ- -nyi nahuin 'klɪ, 'ke bʊ nu 'a -kʊan. -ʊ -ye, ɔ -nyu 'klɪ, 'ke bʊ 'ya 'a titieponyʊ 'mʊ, -ʊ -ye, 'bʊ 'ya Nyisva a winwɔn-henyʊ 'mʊ, -ʊ -ye 'bʊ -tɔplɪ 'mʊ lɛ na, 'bʊ nahuin Nyisva a wintɛ tɔ, -ʊ -ye 'bʊ mɔ 'cʊɛ a nyigblakɪ, kɔ, 'bʊ -wɛ Nyisva a wintɛ tɔ. ¹²Ke ɔ nu, -ɛ die nu, ʊ 'mʊ -Yusu a nahuin 'mʊ -hɛ, 'ke bʊ nu Nyisva a -kʊan, -ɛ die nu, 'cʊɛ, -ɛ 'we -nɔ -Yusu a -gbɛ a 'hʊn ye, 'ɛ 'mʊ 'klɪ ke nɪ. ¹³'A 'klɪ di 'le 'nɪ bii, 'ɛ 'mue gba -gbagba, -a 'bii, -a 'mʊ -mʊɛ, -ɛ nue, -a 'bii, -a kuo -Yusu 'Klɪsʊ ye -wɪ, ɔ mɔ Nyisva a 'Yu. Dɛ a -gbɛ, nɛ- nue, -a 'bii, -a yio. -Ye -a 'dɛɛ -ba 'we -nɔ lele 'yuo ye, kɛɛ, -a di ye 'we nyikukui, -a 'mʊ 'o ye -cɛɛ, -ɛ 'we -nɔ -Yusu 'Klɪsʊ ye.

¹⁴Ti a -gbɛ 'yri, -a 'dɛɛ -ba 'we 'klɛɛ lele 'yuo-plɪ ye, -ʊ kɔ 'lu a lɛ-hielɛ kla 'cɪclɛ-tɪ. -Ye gɪagɪblɔnyʊ kɔ hɪnyʊ 'hɛn, ʊ 'dɛɛ bʊ kaa 'klɛɛ lele -a mʊ, 'ke 'le 'waa tɔlɛ 'kwɪ 'mʊ, -ɛ 'we -nɔ ye, -tɛ 'yru a 'dʊɪ, ʊ 'mu a 'pɪ a klɛpupue nu. ¹⁵'ɛ nɪ nɪ 'le lɛ 'mʊ, 'ke 'o -a mʊ -wɔn. Kɛɛ, -tɪ a -tɛɛ, Nyisva tɔ -a mʊ, -ba 'cipi 'o 'a kwa'buble -tɛɛ, kɔ, 'bia -ba nyi nahuin ye -tu, -ye -ba -tui, 'ke 'le 'munvɛlɛ 'kwɪ 'mʊ, -ɛ die nu, -a nɪ nunuklɔ 'bii, ɔ 'mʊ -Yusu 'Klɪsʊ a 'klɔ ye 'we. -Yusu 'Klɪsʊ a -gbɛ, nɔ -mɔ 'cʊɛ a 'lu. ¹⁶Nɔ- 'kukue 'a nahuin 'bii lɛ, -ɛ die nu, ʊ 'mʊ dɛɛ -do 'mʊ 'ya, -ɛ 'we -nɔ ye, -tɛ -tɔnahuon a 'hʊn a -tɔplɪ 'bii nu, 'ɪ tʊtʊ yrɛ. -Tɔnahuon a 'hʊn a -tɔplɪ a -gbɛ, -ɪ tʊtʊ yrɛ -tɛɛ, 'bia ɪ 'bii, 'bʊ -kʊan nu -tɛɛ, -ye 'a 'hʊn 'bii, ʊ 'nɪ ku. Ke 'ɛ nɪ -wɛ 'mʊ, 'ke 'o -Yusu a 'hʊn -wɔn, -ɪ mɔ 'cʊɛ a nahuin. Nahuin a -gbɛ, 'bʊ nunvɛ 'mʊ, -ye 'cʊɛ, 'ɛ nɪ ke 'klɪ.

-A ni nunuklɔ 'ka kɔ 'a yrayru 'heen

17-Tɪ -gbo, 'nu mu =tu, 'n nyi 'nɪ =tu, 'ke 'le -a ni Kukuɔnyɔ a 'du 'kwli 'mu. 'Nu 'a mu le 'nɪ 'batu: Nahuin =nu, -v 'de Nyisva yi, a ni kuvɛ 'le 'kleɛ lele 'waa nunuklɔ -wɔn. -Tɔplɪ =nu, vɔ 'lu -wɔn le -hie, ɪ 'nɪ da =le dɛ =dɛ. 18'Waa 'lu a le-hiele 'we -nɔ gbɪgbɪyɪ ye, v 'nɪ yrii -le -tɪ a -tɛɛ 'mu le. 'Klɔ yrayru =nu, Nyisvaa 'a nahuin -nyi, v 'dio kɔ, -ɛ nue, 'waa =wli 'gboklo 'mu nɪ, 'v 'de Nyisva a 'hru yi. 19'Ya 'o lele 'lu, =betɪ bɔv -tɔv-tɔplɪ nu, -tɔv 'nɪ nu -le =nu. U -ha 'waa dɔnɔv nɪ, 'ke bɔ nu 'yilɛnyre-tɔplɪ a gbleglei. Nunu-tɔplɪ a -gbɛ, nɪ- vɔ 'lu -wɔn le -hiee -do.

20 A -mɛ -ye, nunuklɔdɔ a -gbɛ, ɔ 'de -nɔ, -Yusu 'Klɪsɔ 'dio 'a mu tɔɔ. 21'A wintɛ, nɛ- a 'wɔn. Nɛ- aa 'o =tuu. 'A mu =nu, -v kɔ -Yusu 'heen -mɛɛ, a 'nyɪ -tɪ a -tɛɛ 'bii =nu nɪ, ɔ tɔɔ -a mu. 22-Tɛ ɛ nɪ le 'mu, nunuɔmli =nu, aa la -wɔn kuvɛ, ba 'kee 'a nunue. Nunuɔmli a -gbɛ, u la 'a nɪ =wli le nyre 'yi, -ɛ nue, 'a nɪ =wli a -gbɛ, u la -hva 'yilɛnyre-tɔplɪ. Kɛɛ nɪ, aa la 'a nɪ dɔnɔv a kaale nu. 23 Ba -ha Nyisva mɛ le, bɔ 'ble 'a nɪ =wli kwa, ɪ 'mu yrayrɪ 'mu bi. 24 Ba nu 'klɔ yrayru =nu, Nyisva a -gbɛ, ɔɔ -hva, -ɛ die nu, 'a nɪ nunuklɔ 'mu 'a 'klɔ ye 'we. Nunuklɔ a -gbɛ, ɔ mɔ =hapɔdɛ. Nɛ- nue, 'ɔ 'sii 'o ye, 'ɔɔ Nyisva a plɔ blee.

25'A -tɪ o, a nɪ 'du 'le 'kleɛ lele hɪ, ba =tu -tɪ a -tɛɛ 'a nɪ 'bie ye, -ɛ nue, -a 'bii, -a -mɛɛ nɪ. 26'Bia 'ba bi yru 'mu, a nɪ nu 'le dɛ 'kuku, kɛɛ, 'plu 'tɔ 'mu -wɔn, 'a nɪ =wli bɪ =tu 'o le. 27'A nɪ -nyi 'le 'kuo -hɔvɪn a nyɪgblaka 'hru, 'ke bɔ kɔɔ 'a mu win ke. 28Nahuon =nu, -ɔɔ la =ke 'yri, ɔ nɪ 'yri 'le 'kleɛ lele, kɛɛ, 'a -gbɛ bɔ nu -kvan, 'ke 'le 'oye'siilekɔ 'kwli 'mu, -ɛ die nu, ɔ 'mu 'a dɔnɔv ye klee, kɔ, ɔ 'mu -wɛ =sɔvɛnyɔ 'mu -hɛ. 29'A nɪ =tu 'le -tɪ -hɔvɪn le, kɛɛ, ba =tu -hapɔ-tɪ =nu, -ɪ di 'a nɪ 'bienv 'mu -hɛ, 'ke 'o Nyisva a =wli a yekuole a -ta 'mu. 30'A nɪ nue 'le, Nyisva a -Hihiu a =wli nɪ 'mɛɛ 'le gbo. -Hihiu a -gbɛ, -v nɪ 'o 'a mu ke 'mu, nu- mɔ yriile, Nyisva =tue 'a mu, -ɛ nye 'a mu tɔɔ, -ɛ mɔ, 'a mu mɔ 'a nahuin nɪ. ɛ nye -wɛ 'a mu 'nɪ tɔɔ, -ɛ mɔ, -nyrɔwɔ =dɛ 'kwli 'mu, ɔ di 'a mu 'nɪ waa 'bii.

31-Tɔplɪ 'bii, -ɪ nɪ 'le 'a mu 'mu, -ɪ nye nu, 'a nɪ -tɪ 'ɪ kla wɔn, ba -hɪ 'le 'a nɪ dɔnɔv 'mu, ba -ha -wɛ 'le 'a nɪ dɔnɔv yru a pupue 'mu, a nɪ po 'le 'kleɛ lele =yɔvɛ, a nɪ =tutu 'le 'kleɛ lele tanɪ, 'yilɛnyredɛ =dɛ nɪ nɪ 'le 'le 'kleɛ lele 'a mu 'mu. 32'A nɪ =wli bɪ nɔ 'yi le, 'ke 'o 'a nɪ 'bienv -wɔn, ba yiyrii wɔlɪ ye, ba -hihri 'a nɪ 'yilɛnyre-tɔplɪ =nu, aa 'mu nunu a -tɪ -wɔn, -ɛ 'we -nɔ ye, -tɛ Nyisva nu, 'ɔ -hri 'a nɪ 'yilɛnyre-tɔplɪ a -tɪ -wɔn, dɛ =nu, -Yusu 'Klɪsɔ nu a -tɪ.

Nahuin =nu, -v nɪ 'le Nyisva a -nyrɛ 'mu, -tɛ v kɔ bɔ nu naale

5 1'A mu mɔ Nyisva a 'munvɛyuo'o nɪ. 'A -tɪ o, -tɛ Nyisva a nunuklɔ nɪ 'mu, kɛ 'a nɔnɔ bɔ nɪ -wɛ 'mu. 2Ba 'cipi 'o, ba nɔvɛ 'a nɪ 'bienv -tɔv nahuin 'mu, -ɛ 'we -nɔ ye, -tɛ -Yusu 'Klɪsɔ nu -a nɪ 'munvɛɛ. -Tɛ ɔ nɔvɛ

-a mu 'mu a -ti, 'o -ha 'a dɔnu, 'o 'ku, -ε 'we -nɔ 'wɔɔɔɔɔɔ ye, ʊʊ 'la, 'ke 'o -cɔhlɔn a pipie a -ta 'mu, 'ke 'o Nyɪsɔa ye, Nyɪsɔa a -gbɛ 'o wɛɛn -cɔhlɔn a -gbɛ ke.

³A mu mɔ Nyɪsɔa a nahuin ni. 'A -ti o, ε 'de ye blɛ ba -mɔ nyɪsɔa -nu lɛ, -v 'de 'a ni nyɪsɔa, kɔ, -tɔplɛ -nu, 'a ni 'bienu kɔ, a ni -tu 'le 'a ca. 'Yilɛnyɛ-tɔplɛ a -gbɛ, a ni -tu 'le -wɛ 'a -ti. ⁴ε 'de -wɛ -tɛɛ nu, 'ke ba -tu -ti -huɪn lɛ, kɔ -tɔplɛ 'hɛɛn. Kɛɛ, ε nu -tɛɛ, 'ke ba -nyɪ Nyɪsɔa 'wio, 'ke 'o -tɔplɛ -nu, ɔɔ nu a -ta 'mu. ⁵Ba kɔ 'a yiye, -ε mɔ, nahuin -nu, -ʊʊ nyɪsɔa lɛ -mɔ, kɔ, -ʊʊ 'yilɛnyɛ-tɔplɛ -ye -nu nu, kɔ, -tɔplɛ -nu, 'waa 'bienu kɔ, -ʊʊ 'a ca -tu, nahuin a -gbɛ, Nyɪsɔa 'dɛɛ bɔ -nyɪ -nu 'hru, 'ke 'le 'a 'klɔ yrayɪv, ɔ di nu 'kwli 'mu, -tɛ Nyɪsɔa a -gbɛ, ɔ kɔ -Yusu 'Klɪsɔ 'hɛɛn, v di 'o nahuin win ke kɔɔ. Nahuin -nu, -v kɔ 'waa 'bienu a -tɔplɛ a ca, -tɔplɛ a -gbɛ, ni- ʊʊ 'o -tuu, 'i -hi 'o Nyɪsɔa 'mu. Nahuin a -gbɛ, v 'we -nɔ nahuin -nu ye, -ʊʊ -wɛɛɛ kɔ.

⁶A ni -ha 'le nahuon -de mɛ lɛ, 'ke bɔ naa 'le wintɛ -nu 'mu, -ε 'nɪni da dɛ -de, 'ke bɔ kaa 'a mu, bɔ -tui, -ε mɔ, -tɔplɛ a -gbɛ, 'i 'de 'yi lɛ nyɛ. Kɛɛ, 'yilɛnyɛ-tɔplɛ a -gbɛ, ni- nye nu, Nyɪsɔa 'ɔɔ nahuin -nu yɪv lɛ poo, -v 'nɪni -tuu 'o. ⁷A -ti, nahuindɔ a -gbɛ, a ni bi 'le 'le -nu -hɛyɪ. ⁸Ti -de a ti 'yɪ la, 'ke a ni la 'le gbɔgbɔyɪ -hɛyɪ, kɛɛ, -tɛ ti ni lɛ 'mu -gbo, 'ke a ni 'le -nyɛ 'mu, -ε nue, a kɔ Kɔkɔnyɔ -Yusu 'hɛɛn, a -mɛɛ ni. 'A -ti o, nahuin -nu, -v ni 'le -nyɛ 'mu, -tɛ 'waa nunukɔ ni 'mu, kɛ 'a nɔnɔ bɔ ni -wɛ 'mu. ⁹-Tɛ a ni 'le -nyɛ 'mu, 'a -ti, 'a ni -wɔlɔ kɔ bi nɔ 'yi lɛ, a 'mu 'o ye 'sɪi, a 'mu -hapɔnahuin 'mu 'ya, -ʊʊ -ti a -tɛɛ -tu. ¹⁰Ba -tu 'o 'klɪ, -ε die nu, a 'mu -tɔplɛ -nu yi, -u -a ni Kɔkɔnyɔ a plɔ blee, a 'mui nu. ¹¹A ni po 'le 'le dabɔ nahuin -nu -hɛyɪ, -ʊʊ -tɔplɛ nu, 'ke 'le gbɔgbɔyɪ 'mu, -i 'nɪni da dɛ -de, kɛɛ, 'waa nɪni-tɔplɛ a -gbɛ, ba pui pepe' 'mu lɛ. ¹²-Ye 'klɛɛ, -tɔplɛ a -gbɛ, nahuin nu, 'ke 'le -huhlikɔ 'kwli 'mu, 'a -tutue ni lɛ -tɔ. ¹³-Tɔplɛ a -gbɛ, 'bu pui pepe' 'mu, -tɛ i ni 'mu, nahuin di 'ni 'ye. ¹⁴Nahuon 'bɔ -ha Nyɪsɔa a -nyɛ mɛ lɛ, 'bɛ po 'a 'yilɛnyɛ-tɔplɛ pepe' 'mu, -ye Nyɪsɔa a -gbɛ, ɔ -wɛ 'le bɔ nue ni, nahuon a -gbɛ, bɔ bi 'le 'a -nyɛ 'mu ni. Nɛ- kɔ -ti, 'ʊʊ lɛ po:

«-Mɔ -nu, -ɔɔ ɲmɔ, 'ba ye 'mu,
-hɔn 'le 'kɔkɔnyɔ -hɛyɪ 'mu,
-ε die nu, -Yusu 'Klɪsɔ 'mu -mu 'a -nyɛ -nyɪ.»

¹⁵-Tɛ ε ni lɛ 'mu, ba -tu 'a ni nunukɔ 'yie. Nahuin -nu, -v 'de -tɔ kɔ, -tɛ 'waa 'klɔ ni 'mu, 'a nɔnɔ ni ni 'le lɛ 'mu, kɛɛ, ba nu 'klɔ -nu, ɔ 'we -nɔ nahuin -nu ye, -v kɔ -tɔ, 'plu -v nɔ 'mu. ¹⁶Ti -gbo, -a ni mɔ 'yɪ, nahuin nu 'yilɛnyɛ-tɔplɛ 'plɔplɔ. 'A -ti, 'ε ni dɛ, -εɛ 'a mu ye gbo bi, ba nɛɛ 'le 'kwli 'mu, ba nu -hapɔdɛ. ¹⁷A ni 'ya 'le bubanyɔ 'mu, ba yɪi -tɔplɛ 'bii -nu 'mu lɛ, -a ni Kɔkɔnyɔ -hɛɛ ba nu.

¹⁸A ni -hie 'le 'a ni dɔnɔ nɔ a 'nɪna wɔn. Dɛ a -gbɛ, εɛ 'a ni 'klɔ lɛ nyɛ 'yi. Kɛɛ, ba -ha Nyɪsɔa a -Hihiu mɛ lɛ, bu kɔɔ 'a mu win ke 'bii. ¹⁹Ba bibre Nyɪsɔa a -wla yɛ, kɔ -wla -ye, Nyɪsɔa a -Hihiu 'a mu tɔɔ, ba bro. Ba

bro, 'ke 'o -a ni Kükönyo ye. Ba bɔɔ, 'ke 'le 'a ni =wli 'bii ke. ²⁰Ke 'le -a ni Kükönyo -Yusu 'Klisu a 'du 'kwli 'mu, ba -nyi -a ni Bu Nyisva 'wio, 'ke 'o -tɔpli 'bii, ɔɔ nu a -ta 'mu. Ba 'cipi 'o, ba -nyo 'wio.

Tɔnu kɔ nyru 'heen

²¹A mu -nu, -vu 'o -Yusu 'Klisu 'o =tuu, ba =tutuu 'o.

²²A mu nyru, ba =tuu 'o 'a ni tɔnu 'o, -ε 'we =nɔ ye, -tε Kükönyo -Yusuu 'a -huhua nu, ²³-ε nue, tɔ, nɔ- mɔ 'a nyrugba a 'luyeninyo, -ε 'we =nɔ ye, -tε -Yusu 'Klisu nu, 'ɔ 'ya 'cɔε a 'luyeninyo 'mu. 'Cɔε, nε- mɔ 'a 'hvin. -Yusu a -gbε, nɔ- nye waa. ²⁴Nε- nue, nyru kɔ bu =tuu 'o 'waa tɔnu -tεε, -ε 'we =nɔ ye, -tε 'cɔεε nu, 'εε 'o -Yusu 'Klisu 'o =tuu.

²⁵A mu tɔnu, ba nɔε -wε 'a ni nyru 'mu, -tε -Yusu 'Klisu nu 'cɔε a 'munvεε, 'ɔ 'ku, 'ke 'o 'a -ta 'mu. ²⁶ɔ 'ku ni, -ε die nu, ɔ 'mu 'cɔε 'pia ke po, 'ke 'o Nyisva a -ta 'mu. 'Ke ɔ naa 'le 'a wintε 'mu, 'ɔ =gbla 'cɔε a -gbε, 'ke 'o 'a dε 'kuku -wɔn, 'ɔ 'sie 'o ye, 'ke 'o Nyisva ye, ²⁷-ε die nu, ε 'mu 'le =nɔ ye di, 'ke 'le -ti a 'yi'baale 'kwli 'mu, kɔ, ε 'mu 'o ye 'sii 'bii, 'ke 'o =nɔ ye, ε 'mu -wε 'yi le nɔ, dε 'klan =de 'ni -hien 'le 'mu ni, ε 'ni =han kıkadε =de kɔ. ²⁸Kε ε ni -wε 'mu, 'ke 'o tɔnu -wɔn. Bu nɔε 'waa nyru 'mu, -ε 'we =nɔ ye, -tε v nu 'waa dɔnu a 'munvεε. Nahuon 'bɔ nɔε 'a nyrugba 'mu, -ye ε =hen 'nyre, ɔ nɔε 'a dɔnu 'mu ni. ²⁹ε mɔ -tεε, ε 'de nahuon =de kɔ, -bɔ yraa 'a dɔnu a 'hvin. Kεε, ɔ nɔ 'mu ni, 'ɔɔ dε di, 'ɔɔ 'a 'hvin 'yie =tu, -ε 'we =nɔ ye, -tε -Yusu 'Klisu nu, 'ɔɔ 'cɔε 'yie =tu, ³⁰-ε nue, -a 'bii, -a mu mɔ -Yusu 'Klisu a 'hvin a 'pu ni. ³¹U 'criε ni, 'ke 'le Nyisvacruniε 'kwli 'mu: «Dε a -gbε a -ti, nyibeyu kɔ bɔ hie 'o 'a bu kɔ 'a 'dii 'heen gbo, -ε die nu, ɔ kɔ 'a nyrugba 'heen, v 'mu 'o -tegbii -do 'ti, nahuiin 'hɔn a -gbε, v 'mu -tɔnahuon -do -hε.» ³²Ke 'le wintε a -gbε 'kwli 'mu, 'ke -huhlide gblaka ni 'le, 'ε hren 'mu gbo. 'N =hen 'nyre, -Yusu 'Klisu kɔ 'cɔε 'heen, ni- kɔ -ti u =tu. ³³Kεε, 'a mu kɔ -ti u -wε =tu: 'ε ni nahuon 'bɔ ni 'o, bɔ nɔε 'a nyru 'mu, -ε 'we =nɔ ye, -tε ɔ nu 'a dɔnu a 'munvεε. Nyru bɔ =tuu -wε 'o 'a tɔ 'o.

'Yuo=pli, v kɔ 'waa bunu kɔ 'waa 'diinu 'heen

6 ¹A mu 'yuo=pli, a kɔ Kükönyo -Yusu 'heen, a -mɔε ni. 'A -ti o, ba =tuu 'o 'a ni bu kɔ 'a ni 'dii 'heen, -ε nue, dε a -gbε, ε mɔ =hapɔdεε ni. ²Ke Nyisva a tete bu -yee po: «=Tuu 'o -na bu kɔ -na 'dii 'heen, 'ke 'le 'munvεε 'kwli 'mu.» Tete bu a -gbε, nu- mɔ ye-hetete bu, -v kɔ ke Nyisva, ɔ po 'le dε. ³Lepoode a -gbε, nε- mɔ: «Bia =ni nyu 'o =tuu, -ye -n di kɔ plɔ a bleele, kɔ, -n di po -hvnhlun -petu, kε nɔ -tɔtu ke.»

⁴A mu 'yuo=pli a bunu -mε -ye, a ni nu 'le -tɔpli =nu, -i di 'a ni 'yuo=pli yru 'mu le poo. Kεε, ba tɔɔ =nu, kɔ, ba -hiv 'le le, -tε Kükönyo 'a -huhua nu.

-Kvannunyu kɔ 'waa nyigblaki 'heen

⁵A mu -kvannunyu, ba =tuu 'o 'a ni nyigblaki -tεε, -v ni nɔ 'klɔ -gbo ke. Ba =mɔε le, 'ke 'le 'a ni 'klɔ 'bii 'kwli 'mu, 'ke ba nu -kvan -tεε. 'Bia 'baa le

nu, -ye -Yusu 'Klisu, nɔ- aa 'o =tuu. ⁶A ni nu 'le -kvaan -do, 'bia 'buu 'a mu 'yie =tu, -ε 'we =nɔ nahuin =nu ye, -uu -hua bu pu 'nyreε le. Kεε, ba kɔ 'a yiyie, -ε mɔ, 'a mu mɔ -Yusu 'Klisu a -kvannunyu ni. 'A -ti, ba -hwe, 'ke 'le 'a ni =wli 'bii ke, 'ke ba nu -tɔpli =nu, Nyisvaa -hua. ⁷Baa -kuan nu, -ye ba nu 'le =hapu=wli 'kwli 'mu. A ni po 'le le, -tunahuiin -do a -kuan, nɔ- aa nu, kεε, kε ba po, Kukɔnyɔ -Yusu, nɔ- kɔ -kuan aa nu. ⁸-Mɔ -kvannunyo, -hee' -n 'de -kvannunyo, kɔ 'a yiyie, -ε mɔ, =ni nu =hapu-kuan, Kukɔnyɔ -Yusu, nɔ- di -mu 'wio -nyi.

⁹'A mu nyigblaki, ba nu -we 'a ni -kvannunyu =hapude 'mu. A ni 'yuu 'le 'kla -wliye. Ba kɔ 'a yiyie, -ε mɔ, a kɔ 'a ni -kvannunyu 'heen, 'a mu mɔ Nyigblaka =nu, =ɔ ni 'le yako 'mu a nahuiin ni. ɔ -mε -ye, ɔ 'ni 'jra =le nahuin 'yi 'mu le.

**Ta-wɔn-tɔpli =nu, Nyisva =nyi -a mu, -a di 'mu
'ba, -a 'mu 'o Satan 'hru wlɔn -ha**

¹⁰'Plu 'mu mu -yre, 'n nye 'ni -hua =bo le 'a mu, -ε mɔ: A kɔ -a ni Kukɔnyɔ 'heen, ba -mwe, -ε die nu, ɔ 'mu 'a mu 'kli -nyi, -ε nue, ɔ ni ke 'kli 'dɔ. ¹¹Ta-wɔn-tɔpli 'bii, Nyisvaa 'a mu -nyi, ba 'bli kwa. 'Bia 'ba 'bli kwa, -ye ti =nu -kɔ 'yri 'kuo -huin a nyigblaka di gblagbli nu, ɔ 'mu 'a mu ye -wɔn, -ye a dio ye gbo 'ni nyra. ¹²'E mɔ -tεε, tu -gbo, -aa -wɔn, ε 'de -tunahuiin, -a 'ni -wɔn =le ye, kεε, -aa ye -wɔn 'kuo -huin, ɔ kɔ 'waa nyigblaki 'heen, =ɔ kɔ gbigbiyriklo -gbo win ke. -Tɔpli 'bii =nu, -i kɔ 'kli -huin, 'ke 'le yrayri, ni- -aa ye -wɔn. ¹³'A -ti o, -tε ε ni le 'mu, ta-wɔn-tɔpli =nu, Nyisvaa -a mu -nyi, ba 'bli kwa, -ε die nu, 'kla-wliye'yia a -nyrɔwɔ 'bɔ nyre 'o, 'kuo -huin 'bɔɔ 'a mu -tua, a 'muo ye gbo nyra, 'plu a 'mu -wɔn -wɔnwɔn, tu 'mu 'le -we, tu 'bu -we 'le, a 'mu gbo nyra -tεε.

¹⁴'A -ti, ba -we -wɔn, a 'mu tu a -gbe -wɔn. Ba 'ya -ti a -tεε a nahuin 'mu. -Ti a -tεε, i 'we =nɔ 'betiye ye, a klu 'a ni wlawli ke, -ε die nu, a 'mu -wɔn -we, 'ke ba -wɔn tu a -gbe. Ba 'sii 'o ye, 'ke 'o Nyisva ye. 'Bia 'be ni le 'mu, -ye ε 'we =nɔ tawlawli ye, a pue. Nu-u 'a mu ke ka. ¹⁵Ba po -Yusu a =haputitie =nu, -εε nahuin kegbowεenle -nyi. Ba nue, 'ke 'le 'a ni =wli 'bii ke. 'Bia 'ba nye nu, -ye ε 'we =nɔ 'suei ye, a pue, -u 'a mu 'mu -he, 'aa na -tεε, 'ke 'o Nyisva a 'hru wlɔn. ¹⁶Ba 'cipi 'o -Yusu a =wli a yekuolε. ε 'we =nɔ ye, -tε ba 'nini 'ble wen 'kleε ta'wle kwa. Ne- die nu, 'dio =nu, Satan di 'a mu -wɔn le poo, ɔ 'nini di 'a mu le 'tu. Mɔ =beti bɔɔ na po, ta'wle =nu, ε dio 'ni jre. ¹⁷Nyisva bɔ waa 'a mu, ε 'we =nɔ 'plunugble ye, aa 'lu =tu, ε 'mu 'a ni 'lu ke ka. Ba =tue 'lu, kɔ, ba 'ble -we Nyisva a wintε kwa. Nyisva a wintε a -gbe, ε 'we =nɔ =hotuplie ye, Nyisva a -Hihiuu 'a mu -nyi.

¹⁸'E ni ti, ba da Nyisva, 'ke 'le 'a ni =wli 'bii ke. Ba dɔ, -tε 'a -Hihiuu 'a mu 'a tɔolε nu. A ni ŋmo 'le, ba ni 'o -preele 'mu, a ni sia 'le -we. Ba 'cipi 'o Nyisva a dida, 'ke 'o 'a nahuin 'bii a -ta 'mu. ¹⁹Ba da -we Nyisva, 'ke 'o 'na -ta 'mu, -ε die nu, -ti 'n di =tu, ɔ 'mui 'mu tɔɔ, 'ni =han hvannu pi, 'mu

-Yusu a -haputitie =nu po, ti -hi la a ti 'yri, -ε -hli la, kεε, ɔ tɔɔ 'klεε -a mu.
 20-Yusu, nɔ- nu 'mu 'a titieponyɔ 'mu, 'mu nahuin 'a -haputitie a -gbε pue.
 Ba da Nyɪsua, -ε die nu, 'nɪ -han huannu pɪ, 'bia 'nu -haputitie a -gbε po,
 -ε 'we =nɔ ye, -tε Nyɪsuaa 'a -huhua nu. Nε- 'n kɔ =bo nu, =betɪ =bo nɪ nɔ =jɪ
 'mu.

Wlɔnlε-gbugba

21 Tisiki, ɔ mɔ -a nɪ 'munvε-dɪayu, -ɔɔ -a nɪ Kɔkɔnyɔ a -kuan nu -tεε, ɔ
 di 'a mu 'nɪ le, -tε 'n nu nɔnɪnɪε, -ε die nu, -tɔplɪ 'bii, 'nu nu, a 'mui yi. 22 'A
 -tɪ o, 'n nyo 'le 'a mu -wɔn 'nɪ lee, -ε die nu, -tε -a nu nɔnɪnɪε, a 'mue yi, ɔ
 'mu 'a mu 'klɪ -nyi.

23 -A nɪ Bu Nyɪsua, ɔ kɔ -a nɪ Kɔkɔnyɔ -Yusu 'Kɪsɔ 'hεɛn, bu -nye 'a mu
 -dɪayuo 'bii kegbowεɛnlε. Bu nue, ba nɔnɪnɪε 'mu, kɔ, ba kuo -Yusu 'Kɪsɔ
 =wɪv ye -tεε. 24 Nahuin 'bii, -v 'cipi 'o -a nɪ Kɔkɔnyɔ -Yusu 'Kɪsɔ a 'munvεle,
 Nyɪsua bɔ nu =nu =hapudε 'mu, 'ke 'le -gbugbεkɔ 'kwli 'mu.